



Bosna i Hercegovina
Federacija Bosne i Hercegovine
Kanton Sarajevo
OPĆINA VOGOŠĆA
OPĆINSKI NAČELNIK



Vogošća, ul. Jošanička br. 80, tel: 00387 33 586 413, fax: 586-444

Broj: 02-24-1545/18

Vogošća, 10.09.2018. godine

U sklopu projekta „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima na osnovu Sporazuma zaključenog između Općine Vogošća, i humanitarne organizacije „MAID“, broj: 243/18 od 05.09.2018.god., kojim su osigurana donatorska sredstva od strane Humanitarne organizacije „MAID“ 40 %, općine Vogošća 40 % i vlastitog učešća korisnika 20 %, u cilju razvoja plasteničke proizvodnje na području općine Vogošća, Općinski načelnik raspisuje:

**JAVNI POZIV
za predaju zahtjeva za dodjelu plastenika od 100 m² sa dodatnom opremom
putem sufinansiranja**

I PRAVO UČEŠĆA

Pravo na učešće u Projektu imaju socijalno i materijalno ugrožene osobe i mlade osobe sa područja općine Vogošća koji ne posjeduju plastenik a žele pokrenuti plasateničku proizvodnju na vlastitom obradivom zemljištu ili njihovi članovi uže porodice, kao i na zemljištu ustupljenom na korištenje ili u zakup u neposrednoj blizini stambenog objekta, kao i oni koji ne posjeduju više od 100 m² plasteničke proizvodnje i istu žele proširiti.

Svi oni koji su ostvarili pravo po ovom osnovu u prethodnih pet godina kroz projekte kao i donacije koje je realizovala Općina Vogošća, kao i Udruženje poljoprivrednika Vogošća u saradnji sa humanitarnim i drugim organizacijama ili putem viših nivo vlasti, ne mogu izvršiti prijavu po ovom javnom pozivu.

Pored navedenog, fizička lica sa područja općine Vogošća koji žele da izvrše prijavu po ovom javnom pozivu moraju biti upisani u Registar poljoprivrednog gazdinstva i Registar klijenata (izvršena reevidencija Registra u 2018. godini), ili dostaviti ovjerenu izjavu da će se upisati u Registar poljoprivrednog gazdinstva i klijenata prije podjele plastenika

II USLOVI ZA DODJELU PLASTENIKA

Podnosioc zahtjeva treba da ispunjava slijedeće uslove:

1. Da je nezaposlena ili socijalno i materijalno ugrožena osoba
2. Da je upisan u Registar poljoprivrednih gazdinstava i klijenata u Općini Vogošća i izvršio ažuriranje podataka za 2018.godinu, ili dostaviti ovjerenu izjavu da će se upisati u Registar poljoprivrednog gazdinstva i klijenata prije podjele plastenika,
3. Da je podnosilac zahtjeva ili član njegove uže porodice vlasnik obradivog zemljišta pogodnog za plasteničku proizvodnju i koje se nalazi u neposrednoj blizini stambenog objekta u kojem stanuje,
4. Da ima mogućnost navodnjavanja plastenika,
5. Da sufinansira 20% od nabavne cijene plastenika sa pratećom opremom (487,00 KM),
6. Da obavezno prisustvuje edukaciji iz oblasti plasteničke proizvodnje u trajanju od dva dana.

Sližba za privredu, integrisani lokalni razvoj i društvene djelatnosti Općine Vogošća je nosilac aktivnosti vezanih za realizaciju Projekta.

III DODATNI KRITERIJI ZA DODJELU PLASTENIKA

Kriteriji za bodovanje podnosioca zahtjeva:

- a) pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta),
- b) socijalno-ekonomski status podnosioca zahtjeva (radno-pravni status podnosioca zahtjeva i članova njegovog domaćinstva i visina primanja po članu domaćinstva),

Kada kandidati pri bodovanju imaju isti broj bodova, prednost će imati kandidati koji imaju status mlade osobe.

IV POTREBNA DOKUMENTACIJA

Potrebna dokumentacija za dodjelu plastenika

1. prijavni obrazac - zahtjev,
2. kopija potvrde o upisu u Registar poljoprivrednih gazdinstava od općinske službe prema mjestu prebivališta (fizička lica) za 2018. godinu, ili izjava da će se upisati u Registar poljoprivrednog gazdinstva prije dodjele plastenika,
3. ovjerena kućna lista,
4. dokaz o radno-pravnom statusu svih punoljetnih članova domaćinstva (potvrda o radnom odnosu sa potvrdom o visini primanja za predhodna tri mjeseca, za nezaposlene osobe potvrda izdata od Biroa za zapošljavanje, za nezaposlene osobe koje nisu prijavljene na Birou za zapošljavanje potvrda izdata od PIO-MIO, za penzionere ček od penzije, za članove boračkih populacija dokaz o visini primanja iz Službe za boračko-invalidsku zaštitu, za punoljetne učenike i studente potvrda o redovnom školovanju, dokaz o primanjima iz Centra za socijalni rad),
5. vlasništvo ili posjed nad parcelom (kopija ZK izvadka, Posjedovnog lista ili Ugovor o zakupu zemljišta),
6. ovjerenu izjavu da podnosilac zahtjeva u poslednjih pet godina nije ostvario pravo na donaciju, dodjelu ili sufinansiranje nabavke plastenika od općine, udruženja poljoprivrednika Vogošća, ministarstva, humanitarnih i drugih organizacija,
7. ovjerena izjava da će korisnik podsticaja dobijeni plastenik zadržati u vlasništvu najmanje 3 godine od potpisivanja Ugovora,
8. ovjerena izjava da ne posjeduje plastenik veći od 100 m² u svom vlasništvu
9. ovjerena izjava da će sufinansirati 20% od nabavne cijene plastenika sa pratećom opremom (487,00 KM),
10. ovjerena izjava da će obavezno prisustvovati edukaciji iz oblasti plasteničke proizvodnje u trajanju od dva dana,
11. ovjerena izjava da je podnosilac prijave kao nosilac podataka, a u skladu sa članom 5. stav 2. Zakona o zaštiti ličnih podataka („Službeni glasnik BiH“ broj 49/06 i 76/11) saglasan da Općina Vogošća, kao kontrolor podataka, može obrađivati njegove lične podatke u postupku po rješavanju njegovog zahtjeva za dodjelu plastenika od 100 m² i iste za potrebe ostvarivanja prava objaviti.

V PROCEDURA ODABIRA KORISNIKA

Općinski načelnik imenuje Komisiju za dodjelu plastenika (predstavnik organizacije „Muslim Aid“ i predstavnici Općine).

Zadatak Komisije za dodjelu plastenika:

- pregled prispjelih prijava, evidentiranje kandidata koji ispunjavaju uslove iz Javnog poziva, obavljanje uviđaja na licu mjesta, sačinjavanje liste krajnjih korisnika na osnovu utvrđenih kriterija za bodovanje, te dostavljanje iste Općinskom načelniku.

Saglasnost na predloženu rang listu kandidata daje Općinski načelnik na prijedlog Komisije za dodjelu plastenika.

Rang lista odabranih kandidata će biti objavljena na oglasnoj ploči Općine Vogošća i službenoj web stranici Općine Vogošća

NAPOMENA:

- Kandidati koji ostvare pravo na dodjelu plastenika obavezni su prisustvovati edukaciji u trajanju od dva dana.

Obrasci zahtjeva se mogu preuzeti na info-pultu Općine Vogošća (šalter sala), ili u kancelariji broj 66. i sa potrebnom dokumentacijom trebaju predati u zatvorenoj koverti na protokol Općine Vogošća sa naznakom „Za javni poziv za dodjelu plastenika“, „Ne otvaraj“, uz ime, prezime i adresu podnosioca zahtjeva.

Sve dodatne informacije mogu se dobiti u Službi za privredu, integrisani lokalni razvoj i društvene djelatnosti Općine Vogošća, III sprat, kancelarija broj 66. ili na broj telefona 033/586-422 svakim radnim danom od 08:00 -16:00 sati.

Javni poziv ostaje otvoren 15 dana od dana objavljivanja.

Nepotpune i neblagovremene prijave se neće uzeti u razmatranje.

